

# QVÆSTIO MEDICA

## CARDINALITIIS DISPVATIONIBVS MANE DISCVTIENDA.

IN SCHOLIS MEDICORVM, DIE IOVIS II. MARTIS.

M. ANDRÆA GUYET, Doctore Medico, Præsides.

*Est - ne simplex cibus multiplici salubrior ?*

1129

**Q**UÆ AD MODVM lucernæ, sic nec caloris natui flamma, quæ vita est, diu vigere posset, nisi perpetuo oleosi cuiusdam succi pabulo foueretur. Vorax quippè conatum sibi humorem obligit, ut nepotum instar sese ipsum funditis disperdat, nêdum ministras, vel principes corporis partes. Hæ quantumvis ex simplicissimis naturis simplices, vix tamen humore vitali perfusæ sunt ac spiritu, cum jam calor vi pariuntur nunquam desinens, nisi in mortem, vtriusque effluuium. Impediri nullâ arte potest, nec optimi alimenti beneficio reparari, quin de vitæ nostræ principijs aliquid damnosa semper imminuat dies. Quantum igitur interest eorum, qui saluti seriò consulunt, nè spreto omni ciborum delectu, quidquid occurrat gulæ veluti gurgites hauriant; sed huic alimentorum generi sese addicant potissimum, salubritatisque laudes tribuant, quod coctû facillimum, nullaque ferè excrementorum sarcinâ corpori graue, ortam ex amico caloris, & humoris dissidio labem singularum partium, quâ potest maximâ laudabilis succi copiâ valeat refarcire.

**N**ON ex quâvis materiâ homo, nec ex re quâlibet homini cibus. Si quem à puris elementis, duris lapidibus, licet pretiosis, expectas, lapis es; si vel ab auro metallorum principe, Agrytis mendacior, vel credulis ditibus stultior. Hæc nescis esse frigidiora morte, nec tam vitæ, quam mortis instrumentum, ac sæpè pretium? Verum quidquid hominem alicuiusmodi qualitatum substantiæque modum teneat corpori familiarem, quod calidum humidumque est: vnde viuaciores qui hæc natæ temperie, & salubrius alimentum quod coctû facillimum similibus gaudebit doribus. Id quondam vixerit necesse est, seu ita volente naturâ, quæ res cæteras vni homini tam religiosè mancipavit, ut illi ex virali etiam fundo tributum persoluant; seu potius magis nobiscum conueniat cibus qui ex plantis, animalibusque petitur: hunc scilicet jam ore subactum ventriculus amicè suscipit, & elixat in liquorem qui suis recrementis defecatus, vix vllâ deinde peregrinâ qualitate inficitur: & præterea in jecore corde, vnsque perficitur, ut ab omni impuritate vacuus sufficiatur in locum deperditæ substantiæ. Tum maximè nitent viscera, tam luculento irrigata sanguine, splendent spiritus ad singulas functiones perbellè obeundas; tam salutarî succo restitutæ partes efflorescunt, vigetque totius corporis ac animi robur alimenti præsidio, quod dum calori coctionum omnium auctori minimum faciebat negotium, firmam quoque homini, salubremque conciliat, ac tuetur valetudinem.

**E**X quo prisci relictâ glânde meliorem, vñ magistro, didicere viuendi legem, cibus ille simplex audit, qui ex elementorum mixtione coalescens, licet specie diuersus, amicâ tamen & simili qualitatibus mediocritate conuenit, ut vno eodémque tempore facillimè concoquatur ad necessarium nutritionis opus. Quod ut aliqua cum laude præstet tam ineptus fuerit, si crudus absque vllâ artis præparatione obijciatur, quam si vario aduertitur coquorum mangonio. Hi minus putant alienæ seruiisse gulæ, ni frigida permisceant calidis, dura mollibus, tenuia crassis, imò alimentis voluptaria quoque venena. Quasi verò qui Deorum cibus fuit, is etiam ad homines pertineret; vel longior ipsorum vitæ diuturnitas, arcessitis ex multiplici cibo ægritudinibus esset rescindenda: Tot tantæque sunt luxuriæ aduersus sanitatem ingeniosæ supplicia! à quibus immunem te præstiteris, si viuas memor illius escæ, quæ simplex nullam ventriculo seditionem mouebit, repurgatque sanguinem plurimum, excrementi minimum ingeret. Ut quemadmodum hominem vehementius delectat quæ nitet absque pigmentis venusta facies: sic cibus sine vlllo alienæ qualitatis fūco iucundius afficiat, corpusque muniat aduersus innumeros morborum insulsum.

**M**EDICINÆ parens optimus Hippocrates, Medicorum nutrix intemperantia. Nauseat ad cibum simplicem vix nisi esurientibus placitum: sed ad irritandam potius quam sedandam famem, viribus inter sese pugnantia anhelat fercula. Cæth homini ad artes, & scientias, non ad gulam nato parum esset vesci pane alimentorum præcipuo, & per paucis carnibus, quæ totâ Indiâ facillimè careant, nisi comedenti defuerit condimentorum optimum fames. At longè aliam inuenit viuendi rationem luxuria terrarum marisque vastatrix: In vnum eundemque pactum carnes piscibus conjunxit, domesticas siluestribus, terrestres volatilibus, neque cuiquam parceret, cæteris nec sibi imperaturum animal, suum quoque pecudibus inuidit pabulum, quadrupedi herbas, fructus volucris: singulis tamen vnum reliquit aqua liquorem, hòc fuz valetudinis odio, ut ne tam salubri & simplici potu, sanior pisco fieret metuere videretur: sed vino indulget nulli non ætati fere aut temperie aduerso, quod ut calx arboris radicem consperfa, fructum accellerat, arborem verò perimit, sic corporis spiritus, facultatesque erigit, mortem verò maturat. Tot tamen adeo inter sese facultate discrepantia alimenta nec vno ferè ventriculo capi, nec aliquando immutari, aut vnquam strenuè subigi possunt, gemit interea sub eorum pondere obrutus calor, languet varietate distractus, singula sic attingit, ut jam putrescentia molesto quodam odore faucibus repræsentent, quantam sint corpori illatura perniciem. Sic homo torus euadit gulæ nec Naturæ vitio morbus. Hunc peredit periculosior excrementis, quam ex fame macies, hunc aquosus distendit languor, illum lurida bilis decolorat, illum spiritus, neruique omnes deficiunt, nec tot malorum causam nisi simplicis cibi salubritate expugnare cui coquendo, vel cum iufirma sit, natura sufficiat, nec vll rei referre possis acceptam, nisi inimicæ dissimilium ciborum multitudini. Quâ semel inuisti sunt cruditatis labe, hanc nunquam delebit vlla naturæ vis. Hinc sanguis tot fordibus inquinatus, tam impuri spiritus alendo corpori inepti singularum partium defraudant genium, qui, Tantali instar, è tot vicinis succis vix aliquo potest recreari.

**V**IS igitur Homo, vitam viuere salubriorem, & ab omni morborum cruciatu ferè securam? Ab eâ diuersæ naturæ ciborum copiâ, & varietate non minus caueas, quam à meretrice. Hæc mentem suis inescat illecebris, ut corpus libidine pessumdet, illa lenocinante gulâ blanditur corpori, ut suis quoque vitijs inficiat animum: vtræque paribus prope modum fallacijs sanitati tuæ insidiatur, nisi Naturam sequearis ducem. Hæc quidem optima parens paucis contenta, reuocat te ad simplicem cibum, omnium animantium documento, & suo. Quandiu te suo nutu atque arbitrio fingebar, nonne solo sanguine in vteri penetralibus, vno deinde lactis alimento, vitæ tuæ atque lucis rudimenta fouit? Quare grandior factus, tam præclara ad salubriter degendum exempla frugalitatis ejuras? An quia non modo multiplici cibo corpus grauatur, verum animus penè eliditur? dum impuro sanguinis, ac spirituum commercio hebescit ingenij acies, frangitur iudicij robur, moritur memoria, atque tota mens veterno quasi sepulta torpet; ut quid vel in capitolio edendum, ignoret tot epulis famosus & triumphalis ille senex, qui seruo manum in cibus deducendi facilius parere dederat quam Naturæ. Adeo pugnat cum benignâ hacce corporis humani moderate luxuriæ ambirio. Amat alia facili ad coquendum cibo refici, nondum satiari. Alia metuit ne non esuriat post saturatum venter, qui inuitâ sanitatis Deâ, nullo non esculentorum genere impletur, farscit, irritatur. Quisquis morborum tormentis, ac præmaturato fato, eximere se voluerit, longè diuersam teneat viuendi methodum: Neque tamen adeo sollicitus sit, an bis in die, an semel comedat, an prandio liberalius, an cæna; an meridiano velut à vespertino pastu recens dormiat: quarum omnium difficultatum duratura adhuc sub iudice lis est: imò suâ cum fame ita se gerat, ut præuâ quâdam excercitatione, nullo alio horologii monitu sentiat se ad cibum vocari. Nec eum audius, & neglecto quouis ordine promiscuum hauriat. Elix præmittat assis quamquam humidioribus, liquidiora solidis, tenuia crassis, hæc aliquo diluat potu identidem repetito. Modo simili qualitatum substantiæque modulo ad hominis temperiem accedant, tam diuturna firmæque erit illi ex simplici cibo valetudo, ut vitam possit regere suo arbitratu, nec toties Medico porrigere manum.

*Est igitur simplex cibus multiplici salubrior.*

569

Asserebat Lutetiæ NICOLAVS BONVARLET, Rethellinus, A. R. S. H. M. DC. LXII.